



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-1837/22
Sarajevo, 30.11.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 21. sjednici održanoj dana 30.11.2022. godine, primilo je k znanju

Informaciju o poduzetim aktivnostima na realizaciji Projekta sanacije, investicionog i tekućeg održavanja, te sistemskog održavanja uređenog korita rijeke Miljacke i uređenih korita njenih pritoka na području grada Sarajeva „Čista rijeka Miljacka“.

PREDSJEDAVALJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija

o poduzetim aktivnostima na realizaciji Projekta sanacije, investicionog i tekućeg održavanja, te sistemskog održavanja uređenog korita rijeke Miljacke i uređenih korita njenih pritoka na području grada Sarajeva „Čista rijeka Miljacka“

Sarajevo, novembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Zaključkom Gradskog vijeća, broj: 01-GV-02-592/22 od 04.04.2022. godine, primljena je k znanju Informacija o poduzetim aktivnostima na realizaciji Projekta sanacije, investicionog i tekućeg održavanja, te sistemskog održavanja uređenog korita rijeke Miljacke i uređenih korita njenih pritoka na području grada Sarajeva „Čista rijeka Miljacka“.

Imajući u vidu sveobuhvatnost projekta „Čista rijeka Miljacka“ i sve projekte koji čine njegov sastavni dio, te Inicijativu Gradskog vijeća Grada Sarajeva, broj: 01-GV-02-1057-1/22 od 29.06.2022. godine, Služba za urbano planiranje, investicije, stambene i komunalne poslove zatražila je od gradskih općina, te organa i institucija iz oblasti upravljanja vodama i zaštite okoliša, da imenuju svoje predstavnike radi formiranja radne grupe za izradu sveobuhvatne dokumentacije potrebne za realizaciju projekta Grada Sarajeva „Čista rijeka Miljacka“. Prijedlog rješenja o imenovanju radne grupe sa definisanim zadacima pripremljen je i dostavljen, nakon čega se treba održati prvi sastanak.

Kada je u pitanju realizacija projekata planiranih u 2022. godini, započete su aktivnosti na pripremi i realizaciji projekata vezanih za uređenje i održavanje uređenog korita rijeke Miljacke (sanacija obalnih zidova, pjeskarenje, čišćenje vodotoka od smeća, raslinja, nanosa i sl.), sanacija i rekonstrukcija zacijevljenih vodotoka, u nastavku je dat status realizacije pojedinih projekata.

Vezano za projekat sanacije kaskada u koritu rijeke Miljacke, projektni zadatak dostavljen je gradskim općinama i Ministarstvu privrede KS na uvid i očitovanje. S obzirom na dostavljene primjedbe i kompleksnost ovog projekta, zaključeno je da projektni zadatak razmotri radna grupa za projekat „Čista rijeka Miljacka“ na jednom od prvih sastanaka, nakon čega će se definirati konačan projektni zadatak i pokrenuti postupak izrade projektne dokumentacije u 2023. godini, te započeti realizacija shodno osiguranim sredstvima.

Pripremljen je Elaborat čišćenja i uređenja korita rijeke Miljacke koji podrazumijeva primarno uklanjanje mulja i riječnog nanosa na potezu od brane na Bentbaši do RTV Doma te sanaciju utvrđenih oštećenja obalnih zidova i dna korita. Procijenjena vrijednost radova je cca 650.000,00 KM. Po donošenju Budžeta za 2023. godinu provesti će se javna nabavka radova i pristupiti izvođenju radova.

Nakon provedenih aktivnosti na pribavljanju odobrenja za građenje i provedene javne nabavke, ugovorena je Sanacija zacijevljenog dijela Bistričkog potoka. Radovi I faze sanacije zacijevljenog dijela potoka su završeni, s tim da preostaje još zamjena fekalnog kolektora, a II i III faza trebala bi biti završena do kraja godine, ukoliko vremenske prilike budu povoljne. Vrijednost ugovorenih radova I faze je 249.000 KM, a vrijednost II i III faze je 423.000 KM, pri čemu Ministarstvo privrede KS učestvuje u sufinansiranju iznosom od 400.000 KM.

Za projekat obnove i rekonstrukcije Koševskog potoka u ovoj godini izrađen je Glavni projekat rekonstrukcije, prema kojem je ukupna predračunska vrijednost 3,5 mil. KM. Predviđena je faza izgradnja, s tim da je vrijednost I faze 1,2 mil. KM. Nakon pribavljanja urbanističke saglasnosti i odobrenja za građenje od Općine Centar, u narednoj godini planira se izvođenje radova I faze, u skladu sa obezbijeđenim sredstvima. Očekujemo da će ovaj projekat sufinansirati Općina Centar i resorno Ministarstvo privrede Kantona Sarajevo.

Izvođenje radova na pjeskarenju obalnih zidova rijeke Miljacke, prema zaključenom Ugovoru za izvođenje radova u 2022. godini, je u toku. Očekuje se da radovi ugovoreni za 2022. godinu budu završeni do kraja tekuće godine, ukoliko vremenske prilike budu povoljne.

Grad Sarajevo, u okviru zakonskih obaveza održavanja korita redovno, u toku godine provodi aktivnosti na košenju trave na kosinama rijeke Miljacke, zatim krčenju šiblja, te prikupljanju i odvoženju sitnog i kabastog otpada koji dopiše u korito rijeke Miljacke. Jednom sedmično se vrši obilazak korita, a najmanje jednom mjesečno se prikuplja i odvozi kabasti i sitni otpad. Košenje trave

na zelenim površinama, odnosno kosinama korita, vrši se najmanje tri puta godišnje, a krčenje u ovoj godini planirano je u površini od cca 8.000 m². Zadnje ovogodišnje košenje izvedeno je krajem oktobra, a u toku su završni radovi na krčenju šiblja, tako da će se do kraja godine izvesti svi planirani, odnosno ugovoreni radovi.

Imajući u vidu da jedinstveni projekat „Čista rijeka Miljacka“, također, podrazumijeva adekvatno zbrinjavanje otpadnih voda u slivu, sa ciljem da iste ne dospijevaju u vodotoke, Grad Sarajevo je, obzirom da nema nadležnost u ovom dijelu Projekta, inicirao kod nadležnih organa rješavanje odvodnje i prečišćavanja fekalnih otpadnih voda koje dospijevaju u vodotoke. Naime, zahtjev je upućen na adrese resornih federalnih i kantonalnih ministarstava te drugih nadležnih organa i javnih komunalnih preduzeća. Ovo vrlo važno pitanje bit će predmet razmatranja radnog tima za projekat „Čista rijeka Miljacka“, a očekuje se da rezultira konkretnim aktivnostima i mjerama nadležnih organa i institucija, posebno onih koji raspolažu namjenskim sredstvima za rješavanje pitanja zaštite voda od zagađenja.